



Kaum Ob Hlis xiab 10, 2020

Qauv Nce Nyiaj Thiab Lwm Yam Nyiaj Them Pauv Pib Lub Ib Hlis

Lub Ib Hlis, UW-Madison yuav nce 2 feem pua rau tus nqi nyiaj xuabmoos rau cov neeg ua haujlwm raws tus qauv npaj siv nyiaj rau xyoo 2019-2021. Qhov nyiaj nce npaj los lawm ntev no yuav nce rau cov neeg feem coob pib lub Ib Hlis 2021.

Tus qauv nce nyiaj no, tau kev pom zoo los ntawm xeev pawg *Legislature's Joint Committee on Employment Relations (JCOER)* thaum lub Kaum Ob Hlis 2019, hais tias muab 4 feem pua faib ua ob zaug nce. Thawj 2 feem pua twb nce rau thaum lub Ib Hlis 2020 lawm. Ob(2) feem pua zaum ob yuav nce rau lub hlis tom ntej no.

Tag nhro cov *Academic Staff*, xibfwb, cov ua tsis pub xuabmoos, thiab cov *University Staff* yuav tau qhov nyiaj nce. Cov pawg neeg ua haujlwm txoj haujlwm muaj ua ib ntus xwb thiab cov mejyig ua haujlwm yuav tsis tau txais qhov nyiaj nce.

Qhov 2 feem pua nyiaj nce no yuav pib lub Ib Hlis xiab 1, 2021 rau cov neeg ua haujlwm uas ib hlis them ib zaug, thiab pib lub Ib Hlis xaib 3, 2021 rau cov uas ob asthiv them ib zaug. Rau cov neeg ua haujlwm them nyiaj xuabmoos yuav pom qhov nyiaj nce no rau daim tw nyiaj them lub Ib Hlis tim 28. Rau cov neeg ua haujlwm ib hlis them ib zaug yuav pom qhov nyiaj nce rau lub Ib Hlis tshwm daim tw nyiaj them lub Ob Hlis xiab 1. Cov neeg ua haujlwm uas tau qhov nyiaj nce yuav tau txais ib tsab ntawv qhia nce puas tsawg rau, thaum twg twg mam pib, thiab thaum twg lawv mam pom qhov nyiaj nce tshwm hauv lawv daim tw nyiaj them.

Kom tau txais qhov nyiaj nce no, cov neeg ua haujlwm yuav tsum yeej ua txoj haujlwm tam sim no thaum lub Kaum Ib Hlis tim 22, 2020 lawm (rau cov them nyiaj xuabmoos) los lub Kaum Ob Hlis xaib 1, 2020 (rau cov them nyiaj hli). Cov neeg ua haujlwm yuav tsum kawm kom tiav UW-Madison qhov kev cob qhia txwv tsis pub hais lus dev los quab yuam, thiab daim ntawv ntsuam ua num zaum tas yuav tsum ua tau zoo li kom ua lawm. Tau kom cov thawjsaib yuav tsum ua kom tiav cov ntawv ntsuam xyuas neeg ua num no. Tej zaum nws kuj yuav muaj lwm yam rau ntawm cov ceg ua haujlwm ntxiv thiab.

Nyiaj Nce Ho Cuam Tshuam (Pab) Cov Hnub So Tsis Them Nyiaj Li Cas

Qhov nyiaj nce rau lub Ib Hlis 2021 yuav pab daws me ntsis rau cov hnub so tsis them nyiaj. Rau UW-Madison cov neeg ua num tau nyiaj tsawg tshaj, qhov 2 feem pua no los npog yuav luag tas tus nqi nyiaj cov hnub so tsis them. Qhov nyiaj nce no yuav ntxiv rau tus nqi nyiaj xuabmoos, ib qhov zoo rau yav ntev tom ntej thaum cov hnub so tsis them nyiaj tas lawm.

Rau cov neeg ua haujlwm uas nyob rau [Qhov So Ib Co Hnub Tsis Them Nyiaj, Zaum Ob](#) rau 2021, cov hnub so tsis them nyiaj yuav muaj raws saib tom qab nce nyiaj tas rau tau puas tsawg rau ib xyoo. Rau feem coob cov neeg ua haujlwm, cov hnub so tsis them nyiaj yuav nyob qhov qub li thawj zaug. Tsuas muaj tus puav cov hnub so tsis them nyiaj thiaj nce ntxiv tom qab nce nyiaj tas rau.

Tus Nqi Nyiaj Xuabmoos Tsawg Tshaj yog \$15

Nyob rau lub Kaum Ib Hlis 2019, UW-Madison [tau tshaj tawm yuav nce tus nqi nyiaj tsawg tshaj](#) rau cov *University Staff* mus rau \$15 ib xuabmoos, uas npaj nce rau lub caij ntuj tshiab 2020. Thaum lub caij ntawd, cov thawj coj hauv tsev kawm ntawv tau qhia tias qhov nyiaj nce no yuav ua rau tsev kawm ntawv xeeb tau nrog lwm qhov txais tau neeg ua haujlwm zoo thiab txhawb UW-Madison cov lus cog cia yuav them nyiaj raws kev lag luam rau tag nrho cov neeg ua haujlwm.

Li tau tshaj tawm, qhov nyiaj nce no tau muab ncu vim tus kab mob COVID-19 ua rau cov nyiaj npaj siv poob lawm ntau heev. Qhov nyiaj nce kom txog \$15 ib xuabmoos no yuav muaj rau tom ntej thiab yuav pib rau lub Ib Hlis tim 17, 2021.

Tag nrho cov *University Staff* yuav tau txais qhov nyiaj nce. Qhov nyiaj nce kom txog tus nqi tsawg tshaj no yuav raug rau cov ua haujlwm tu tsev, saib xyuas tsiaj, thiab ua zaub mov. Cov txoj haujlwm ua ib ntus tas los cov mejiyig ua haujlwm yuav tsis tau txais qhov nce kom txog tus nqi tsawg tshaj no.

Nqi Nyiaj Them Kom Txaus Noj Txaus Haus

Cov *University Staff* thiab cov neeg ua txoj haujlwm ib ntus tas kuj yuav tau txais qhov nyiaj nce raws nroog Madison tus nqi them kom txaus noj txaus haus uas yog \$13.86 ib xuabmoos. UW-Madison them raws li nroog Madison tus nqi, uas yog nomtswv tebchaws tus nqi ntawm 110 feem pua ntawm ib tse neeg txom nyem muaj 4 leeg, yog qhov siv xyuas kom txaus noj txaus haus. Rau tsev kawm ntawv cov neeg ua haujlwm tau qhov nyiaj nce, qhov 2 feem pua yuav ntxiv rau tom qab nce tus nqi txaus noj txaus hauvs.

Coob tus neeg ua haujlwm tau qhov nyiaj nce kom txaus noj txaus haus yuav muab nce mus rau \$15 ib xuabmoos lub Ib Hlis tim 17 xyoo 2021. Tiam si, cov neeg ua txoj haujlwm ib ntus tas yuav tsis tau qhov nyiaj nce kom txog \$15 ib xuabmoos. Lawv yuav tau txais qhov nyiaj nce kom txog tus nqi kom txaus noj txaus haus uas yog \$13.86 ib xuabmoos xwb.

***Building Trades* Kev Cog Lus**

UW-Madison tau muaj kev cog lus nrog cov neeg ua haujlwm nyob rau qhov *Building Trades*. Cov ntawv cog lus no yuav tsum tau kev pom zoo los ntawm pawg *JCOER* thiab cov sawv cev ntawm pejxeem hauv xeev thiab tus nom xeev yuav tsum kos npe pom zoo. Cov neeg ua haujlwm nyob hauv *Building Trades* thiaj tseem yog cov muaj neeg sawv cev khom nqi zog nkaus xwb. Raws xeev txoj cai lij choj, cov neeg sawv cev (*unions*) tsuas hais tau kom nce txog

tus *Consumer Price Index (CPI)* xwb. Kev cog lus pom zoo nce 1.81 feem pua nyiaj them rau cov neeg ua haujlwm nyob hauv *trades* rau 2020-2021, pib lb Hlis xiab 3, 2021. Yog muaj kev ncuu li cas, mam them cov neeg ua haujlwm no ib pob tom qab rau cov xuabmoos txij puag thaum hnuv pom zoo nce rau los.